

Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімге өзгерістер мен толықтырулар енгізу туралы хаттама жасасу туралы

Қазақстан Республикасы Президентінің 2005 жылғы 22 шілдедегі N 1620 Жарлығы

ҚАУЛЫ ЕТЕМІН:

1. Қоса беріліп отырған Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімге өзгерістер мен толықтырулар енгізу туралы хаттаманың жобасы мақұлдансын.

2. Қазақстан Республикасының Қаржы министрі Наталья Артемовна Коржова Қазақстан Республикасы атынан Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімге қағидатты сипаты жоқ өзгерістер мен толықтырулар енгізуге рұқсат бере отырып, оған өзгерістер мен толықтырулар енгізу туралы хаттама жасасуға ө к і л е т т і к б е р і л с і н .

Ескерту. 2-тармаққа өзгерту енгізілді - ҚР Президентінің 2006.04.03. N 84 жарлығымен.

3. Осы Жарлық қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті

ЖОБА

Қ а з а қ с т а н Р е с п у б л и к а с ы

П р е з и д е н т і н і ң

2 0 0 5 ж ы л ғ ы 2 2 ш і л д е д е г і

№ 1 6 2 0 Ж а р л ы ғ ы м е н

МАҚҰЛДАНҒАН

Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімге өзгерістер мен толықтырулар

енгізу туралы ХАТТАМА

Бұдан әрі Тараптар деп аталатын Қазақстан Республикасы мен Ресей Федерациясы, Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімге (бұдан әрі - Келісім) мынадай өзгерістер мен толықтырулар енгізуге келісті:

1. К і р і с п е д е г і :

үшінші абзац алып тасталсын;

төртінші абзац мынадай редакцияда жазылсын:

"Қазақстан Республикасы мен Ресей Федерациясы арасындағы 1994 жылғы 28 наурыздағы әскери ынтымақтастық туралы шартты, 1994 жылғы 28 наурыздағы Қазақстан Республикасы мен Ресей Федерациясы арасындағы әскери-техникалық ынтымақтастық туралы келісімді басшылыққа ала отырып,".

2. 1-баптың екінші абзацындағы "Жезқазған" деген сөз "Қарағанды" деген сөзбен ауыстырылсын.

3. 2-баптағы "Полигонның ӘШҚҚ-72 жөніндегі Шарттың 4-бабында айтылған және 1978 жылғы 1 қарашадағы Шартқа Келісілген мәлімдемеде бекітілген" деген сөздер алып тасталсын.

4. 4-бап мынадай редакцияда жазылсын:

"1. Қазақстан Республикасы жалға беру шартымен жер учаскелерін онда орналасқан Полигонның объектілерімен, жылжымалы және жылжымайтын мүлкімен, сондай-ақ Приозерск қаласы жылжымалы және жылжымайтын мүлкімен бірге Ресей Федерациясына уақытша пайдалануға береді.

2. Ресей Федерациясы Сарышаған сынақ полигонын жалға беру туралы 1996 жылғы 18 қазандағы шартқа сәйкес жер учаскелерін, олардың жалға берілуі кезеңінде Полигонның Ресей Федерациясы мүдделерінде пайдаланылғаны үшін ақы төлеуді жүзеге асырады."

5. 7-баптың 1-тармағының екінші сөйлемі мынадай редакцияда жазылсын:

"Қазақстан Республикасының аумағында уақытша орналасқан Ресей Федерациясының әскери құралымдарының, олардың құрамына кіретін адамдар мен олардың отбасы мүшелерінің мәртебесі, сондай-ақ Полигон аумағындағы Ресей Федерациясының құқық қорғау органдарының заңдық құзыры мәселелері Қазақстан Республикасы мен Ресей Федерациясының арасындағы 1995 жылғы 20 қаңтардағы Қазақстан Республикасының аумағында уақытша тұрған Ресей Федерациясы әскери құралымдарының мәртебесі туралы келісіммен және Тараптардың басқа да келісімдерімен айқындалады".

6 . 9 - б а п т а :

бірінші абзацтың бірінші сөйлемі мынадай редакцияда жазылсын:

"Полигонның қызметі Қазақстан Республикасының Қорғаныс министрімен келісім бойынша Ресей Федерациясының Қорғаныс министрі бекітетін, Қазақстан Республикасының аумағында орналасқан Ресей Федерациясы Қорғаныс министрлігінің Мемлекеттік орталық тұраралық полигонының құрылымдық бөлімшелері, объектілері және әскери алаңдары туралы ережемен (бұдан әрі - Полигон туралы Ереже) регламенттеледі";

жетінші абзацтағы "Қазақстан Республикасының Ғылым және жаңа технологиялар министрліктерімен" деген сөздер "Қазақстан Республикасының Ғылым және жаңа технологиялар мәселелері жөніндегі мемлекеттік органымен" деген сөздермен ауыстырылсын.

7 . 1 0 - б а п т а ғ ы :

екінші абзацтағы "қалпына келтіруді және" деген сөздер алып тасталсын;

төртінші абзацтың қазақша мәтіні өзгеріссіз қалады;

тоғызыншы абзацтағы "міндеттенеді" деген сөз алып тасталып, мынадай мазмұндағы абзацпен толықтырылсын:

"Тараптардың келісімімен айқындалатын тәртіппен қажет болған кезде нысаналар мен зымырандар құлаған алаңдарды қайта өңдеуді міндеттенеді";

он бірінші абзац мынадай редакцияда жазылсын:

"Полигонның қолбасшылығы Қазақстан Республикасының жергілікті атқарушы билік органдарымен бірлесіп дүлей зілзалаларды жоюға көмек көрсету кезінде Полигон аумағының учаскелерін пайдаланудың тәртібін айқындайды.";

мынадай мазмұндағы он үшінші абзацпен толықтырылсын:

"Полигонның аумағын басқа мақсаттарда пайдалану кезінде оның жоспарлы жұмыстарын уақытша тоқтату немесе шектеу Ресей Федерациясы Қорғаныс министрлігінің және Қазақстан Республикасы Қорғаныс министрлігінің бірлескен шешімдері негізінде жүргізіледі.".

8. 11-бап мынадай мазмұндағы абзацпен толықтырылсын:

"Полигонның аумағында жер кадастрын және мониторингті жүргізуді, жердің мақсатты пайдаланылуын бақылауды Полигонның қолбасшылығымен келісілген тәртіппен және мерзімдерде Қазақстан Республикасының жер ресурстарын басқару жөніндегі уәкілетті мемлекеттік органы жүзеге асырады.".

9. 13-бап мынадай редакцияда жазылсын:

"Ресей Тарапы Полигонның аумағында геологиялық барлауды және пайдалы қазбалар өндіруді жүргізбеуге міндеттенеді. Полигон аумағында аң аулау, балық аулау және жабайы өсімдіктерді жинау Қазақстан Республикасының заңнамасына сәйкес жүзеге асырылады.".

10. 15-бап мынадай редакцияда жазылсын:

"Қазақстан Республикасы Қорғаныс министрлігінің Полигонда сынақтан өткен қару-жарақ пен әскери техниканың жаңа түрлерін сатып алуға басым құқығы бар."

11. 18-бап мынадай мазмұндағы абзацпен толықтырылсын:

"Әскери тасымалдаулар және олар үшін есеп айырысу тәртібі Тараптардың жеке келісімімен айқындалады."

12. 22-бап бірінші абзацтан кейін мынадай мазмұндағы абзацпен толықтырылсын:

"Тараптардың бақылау органдарын құпия мәліметтерді қамтитын жұмыстар мен құжаттарға рұқсаттамасы нысандарының сәйкестігі Тараптардың жеке келісімімен айқындалады."

13. 23-баптағы "Шартты" деген сөзден кейін "және осы Келісімді" деген сөздермен толықтырылсын.

Осы Хаттаманың ережелерін түсіндіру және қолдану кезінде туындаған барлық даулар мен келіспеушіліктер Тараптар арасында өзара консультациялар және келіссөздер жолымен шешілетін болады.

Тараптардың бірінде бірлескен шешімді талап ететін мәселелер туындаған кезде осы Тарап екінші Тарапты келіссөздер басталғанға дейін 30 күннен кешіктірмей жазбаша түрде хабардар етеді.

Осы Хаттама Тараптар оның күшіне енуі үшін қажетті мемлекетішілік рәсімдерді орындағаны туралы соңғы жазбаша хабарлама алған күнінен бастап күшіне енеді.

Осы Хаттама Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімнің ажырамас бөлігі болып табылады және өз қолданысын осы Келісіммен бір мезгілде тоқтатады.

_____ қаласында 200__ жылғы "___" _____ әрқайсысы қазақ және орыс тілдеріндегі екі данада жасалды әрі екі мәтіннің күші бірдей.

ҚАЗАҚСТАН РЕСПУБЛИКАСЫ
ҮШІН

РЕСЕЙ ФЕДЕРАЦИЯСЫ

ҮШІН